

古今尺牘大觀
中編五



教育部褒獎

商業指南

全一冊 定價九角

本書內容豐富。關於商界應用文件。悉依現行商事法令。臚舉靡有遺分。『稟』『函』『說帖』『契』『據』『約』『券』『票』『單』『條』『書』『表』『招貼』『簿記』等十四門。遇有疑義及與條件上習慣上有關係者。概加說明。他如公司條例。註冊規程等。則視文件之性質。而附於其後。有需用印。稅者。並詳誌其種類數目。刪節虛文。務切實用。堪稱工商界之寶筏。商店學徒用作自修。尤為相宜。

教育部審定 湖北楊汝梅著

新式銀行簿記及實務

紙面洋裝一冊 定價二元

銀行簿記之改革。日新月異。湖北楊汝梅先生。久主是科講席。並歷任財政審計各職。學識經驗。無待贅言。是書為先生最近著作。業經教育部審定。茲錄批語如下。

教育部批

該書薈萃東西最近出版之名著。參以吾國固有之習慣。搜羅豐富。井井有條。堪稱善本。應准作為各學校簿記學及銀行學之參考書。

分級古文讀本

全	甲	乙	丙	丁
七冊	編	編	編	編
一冊	二冊	二冊	二冊	二冊
角半	三角	三角	三角	五角

本書分輯四編。甲編以孝、悌、忠、信、禮、義、廉、恥之材料分爲八類。類各十二課。乙編分立志、敦品、好學、慎言、衛生、達觀、勤勞、治家等凡二十類。類各八課。丙丁各八十課。丙編每課以三百字爲率。丁編以六百字爲率。分配得宜。淺深合度。以文範而兼修身課本之長者。本書有之。

評註古文讀本

六冊 六角
全書一百八十篇。自百餘字至三百餘字。循序漸進。每篇中篇法、章法、句法、字法四項。評註甚詳。讀一篇可得一篇之益。

古今尺牘大觀 中編

第五冊

目錄

敘事類

薦揚

宋尹洙上葉道卿舍人薦李之才書

宋曾鞏再與歐陽舍人書

宋胡銓與鄧漕成材書

宋葉適上執政薦士書

宋李昂英與廣帥徐意一薦僧祖中書

宋謝枋得薦寫神黃鑑筆書

宋謝枋得與建寧路母府判薦朱山長書

金元好問上耶律中書書

明唐順之與周中丞論項守書

明莫如忠與陳文峰中丞書

明汪道昆與徐子與書

明溫純與申瑤泉相國書

明馮時可與陳兵使書

明鍾惺與郭篤卿書

明周嬰與陽春令黃兆修書

祈請

宋石介上范青州書

宋石介上徐州張刑部書

宋蘇舜欽上集賢文相書

宋曾鞏與孫司封書

宋曾鞏福州上執政書

宋張方平寄上蔡參政書

宋王安石上曾參政書

宋王安石請杜醇先生入縣學第二書

宋王安石知常州上中書啟

宋蘇軾與章子厚書

宋蘇轍上洪州孔大夫論徐常侍墳書

宋程頤爲家君請字文中允典漢州學書

宋鄭俠上泉守蔣大夫書

宋宗澤上鄭龍圖求船書

宋胡銓與陳長卿書

宋吳儆上五府乞宮觀書

宋薛季宣與汪參政明遠論岳侯恩數書

宋陸游上王宣撫啟

宋陸游上丞相參政乞宮觀啟

宋李呂上黃提刑求先子墓銘書

宋趙孟堅上劉貳卿啟

宋文天祥與李復卿書

金郝天挺貽范元直書

元盧摯與姚江村先生書

元余闕與中書參政成誼叔書

元吳海投鄭彥斌書

元倪瓚與彝齋學士先生書

明劉崧上熊提控書

明劉崧與譚若驥書

明劉崧與李提舉書

明方孝孺與士修書

明岳正代張某獻胡方伯書

明王守仁上彭幸庵書

明顧鼎臣寄歐陽石岡巡撫書

明楊慎與歐陽子重都憲書

明唐順之與徐少初邑侯書

明錢薇復皇甫僉憲書

明王畿與田竹山書

明劉繪與太守勸除酒禁書

明王世貞與李東昌書

明歸有光與林侍郎書

明張元忬與范按院書

明馮時可與李師書

明馮時可與戴大參鳳岐書

明屠隆爲瞿睿夫訟冤書

明屠隆與呂麟趾書

明余寅與邵侍御書

明趙秉忠上蔡汝聘尙書啟

明張萱答鄧虛舟觀察書

明葉秉敬與永平程羅陽書

明蕭士瑋與黃闇齋書

明艾南英與喻仲延求曾祖母坊額書

明曾異撰與黃東崖先生書

明曾異撰與卓珂月書

明賀貽孫爲亡姊莊烈君乞詩文箋

明史可法致某書

明史可法與雲間諸紳書

明金聲與譚友夏書

明宋氏寄母書

古今尺牘大觀 中編

第五冊

杭縣姚漢章

纂輯

吳縣何寶睿

敘事類

薦揚

宋尹洙上葉道卿舍人薦李之才書

某再拜。八月初。作書託鄭開封附去。浙中。後十餘日。聞有西掖之召。中外企望。爲日已久。雖有此拜。固未足爲賀也。恭惟甫主都下。尊體休勝。某輒有私悃。仰布左右。惶恐惶恐。孟州司法參軍李之才。年三十九。天聖八年同進士出身。能爲古文。章語直意遂。不肆不窘。固足蹈及前輩。非某所敢品。自其爲人。敦朴真率。不自矯厲。安於卑位。頗無仕進意。故世人罕能知之。京師諸君有石曼卿者。與之游。曼卿

獨喜其不汲汲榮利與己合耳之才母老家無餘貲曼卿嘗勸之隱去使其無所歸於知似未盡也之才又達世務使少用於世其才過人遠甚今幸其貧無貲不能決其歸心知之者當共成之也近制吏部選人有保任者及五人得上其課之才未嘗干於人在上者或薦之今已四人十二月又當罷去念非明公無以成之者明公雖素未知其人然某被遇最深由知某而後知之可也之才在朝廷無近親若其持身謹廉常吏皆能之故略其言事遽詞激罔避詆訶儻蒙留意恭俟還教不任懇切

宋曾鞏再與歐陽舍人書

鞏頃常以王安石之文進左右而以書論之其略曰鞏之友有王安石者文甚古行稱其文雖已得科名然居今之安石者尙少也彼誠自重不願知於人然如此人或亦不常有如今時所急雖無常人千萬不害也顧如安石此不可失也書旣達而先生使河北不復得報然心未嘗忘也近復有王回者王向者父平爲御史

居京師。安石於京師得而友之。稱之曰有道君子也。以書來言者三四。猶恨鞏之不卽見之矣。則寓其文以來。鞏與安石友相信。甚至自謂無媿負於古之人。覽二子之文而思安石之所稱。於是知二子者。又魁宏絕特之人。不待見而信之。已至懷不能隱。輒復聞於執事。三子者。卓卓如此。樹立自有法度。其心非苟求聞於人也。而鞏汲汲言者。非爲三子者計也。蓋喜得天下之材。而任聖人之道與世之務。復思若鞏之淺狹滯拙。而先生遇甚厚。懼己之不稱。則欲得天下之材。盡出於先生之門。以爲報之一端耳。伏惟垂意而察之。還以一言使之是非有定焉。回向文三篇如別錄。不宣。鞏再拜。

宋胡銓與鄧漕成材書

某故人益陽宰謝宣教純孝。書薦其兄蒼梧令純粹。孝友廉勤。久荷台庇。欲出門下。厥路無由。輒求某一言爲地。某自惟糞土之言。決不能動人。兼亦不識其爲人。因辭者屢矣。而書來不已。某雖惡其強聒。而又私喜其意懇懇於厥兄如此也。書

以弟不念天顯兄不念鞠子哀爲言春秋譏鄭伯不兄段不弟詩易及戴經十倫皆以兄兄弟弟爲說聖人於天倫至矣某平生斷斷無他技獨於手足之愛頗厚先兄早世垂二十年至今不忍各爨每見人兄弟怡怡者必健羨之恨我獨無也今見二謝友于如此令人感歎不已就令不求知於世尙當暴白其事以告當路賢有力者表而出之況其言懇懇耶僕重念近世薦舉道衰非權要有挾則往往貨取謝君不走權要不以貨取而獨有求於僕則謝之爲人可知也謝君不走權要不以貨取而獨因僕以求知於執事則執事之薦人不私又可知也年兄其亮之否乎年兄知僕深且久故敢索言之然可否則不敢必手凍不能多言

宋葉適上執政薦士書

國家之用賢才必如饑渴之於飲食誠心好之求取之急惟恐不至口腹之獲惟恐不盡及其醉飽之餘嗜好衰息方復調適衆味和劑八珍祈懇而後進勉強而後餐其不棄去者寡矣故上有失士之患而士有不遇之悲至使官職曠闕治功

陵夷雅俗。墮壞遺風。不接繇其始用之。非誠心善人之類。遭厭薄而散漫也。竊以近歲海內方聞之士。志行端一。才能敏強。可以卓然當國家之用者。宜不爲少。而其間雖有已經選用。不究才能。嘗預薦聞。未蒙旌擢。亦有已罹憂患。恐致沈淪。既得外選。因不復入。以一疑而傷衆信。用浮華而傷實能。又況其自安常分。無所扳援。復貽頽年永絕榮進者乎。每一思之。深切痛悼。伏維丞相國公晉當國柄。所宜察饑渴飲食之時。體盡誠好士之心。急求力取。博選亟用。以爲國本。民命永遠之地。以報明主之遇。以塞多士之責。某等見聞所親。不相爲比。所愛不相爲私。疎以公相信。遠以義相昭。昔班固奏記東平王蒼。薦者六人。國爲得才。不專幕府。而蒼納之。裴伯爲李吉甫疏三十士。吉甫藉以舉用。而當時翕然稱其得人。某等濫膺朝列。叨竊祿食。常愧聽聞短狹。知賢不多。無以裨補萬一。不勝慚愧。謹自陳傅良以下三十四人。冒昧以聞。伏候採擇。

宋李昉英與廣帥徐意一薦僧祖中書

某數年不到羅浮。夢寐見之。近招寶積僧祖中來。出餅中卓錫泉烹石樓新茗。共談山中事。清風忽起。坐間飄飄然如行飛雲頂也。某歲在甲辰。兩遊羅浮。至必住旬日。山廣大深遠。不可窮。而山中人絕少。道人則有王寧。素年八十餘。碧瞳炯然。照人頭陀。則有祖演。年高過之。髮色如黃金。僧可語者。僅僅斯人耳。此大夢德因之子。而克肖者也。將辭歸中閣。必欲識意。一而後去。渠無他求。必有異乎人之求者。風雨如許。政齋閣焚香靜坐時。試延之前。使呈露所蘊。必不能謾具眼。得聞侍郎一聲歸山林作話柄。竊度其所求。不過如此而已。進之退之。惟所以命。

宋謝枋得薦寫神黃鑑堂書

某聞諸吳履齋。其父吳正肅公題門榜曰。寬著胸襟行好事。大開庭戶納春風。履齋強爲善。有大庇天下寒士心。固無愧家學。出正肅之門。如徐意一者。好賢樂善。慈惠恢廓之風。猶有傳也。恃此有禱。黃鑑堂丹青不減顧愷之閭。立本達官貴人多收之。其人淳朴有古意。不善干謁。藝愈精而愈窮。十三年中。中國之衣冠盡變。

鑑堂醫技不售。是亦宋人資章甫而適越也。寒饑之不恤。時時袖先朝知名士詩卷示僕。靳一辭。前濯尾鬣。或可增價於唐肆。嗟乎東門種瓜。南山射虎。塗人皆得以輻輳。豈能爲鑑堂先容哉。士窮易爲德。斗升水亦可活。涸轍惟仁賢念之。

宋謝枋得與建寧路母府判薦朱山長書

知公度量足以翕受一世之人物。敢以士獻朱文公之後。能世濟其美者亦罕矣。四方善類幾年長太息。某寓閩十三年。所交朋友能讀四書者儘多。求其明辨力行真踐實履。果無愧文公四書之教者。惟泳道朱公沂一人。癸未年初識之。逆旅中狀貌與文公無異。揖而問其姓氏。則文公曾孫也。聽其議論。覘其志趣。絕似西北人。無一點江南時文氣習。遂爲莫逆交。每歲或一相會。觀其論古今人物高下。國家興廢善類仕止久速之故。掃盡華葉。獨存根株。使其老爲太平民。正謂胡瑗嘉祐真講官也。生不逢時。可爲浩歎。乙亥已前。侍從監司太守以遺逸薦者衆也。泳道也不應聘。某問其故。則曰。吾家如侍郎在總領鑑幾漕祕選浚。非不遇賢宰。

相以文公之故。穹官騰仕。如取諸寄。終爲一俗吏。旣無補於世道。徒有忝於家聲。此其所深愧也。所以用力文字。不與郡國薦召。必由科舉奮身者。願一洒從祖從叔從兄之恥。使文公之道。取信於萬世也。天耶。命耶。今何言哉。某聞而悲之。惟誦努力加餐飯。無事長相見。兩句以相勉。今在建安書院與釋菜。願梅庵枉道訪之。延至門下。與之談論。必有以契盛心者。若信其非江南時文氣習。則願以建安武夷書院山長。或提督官待之。亦扶持世道興起斯文第一義也。

金元好問上耶律中書書

四月二十有二日。門下士太原元好問謹齋沐獻書中書相公閣下。易有之。天造草昧。君子以經綸。伏惟閣下輔佐王室。奄有四方。當天造草昧之時。極君子經綸之道。凡所以經造功業。考定制度者。本末次第。宜有成策。非門下賤士所敢與聞。獨有一事。系斯文爲甚重。故不得不爲閣下言之。自漢唐以來。言良相者。在漢則有蕭曹丙魏。在唐則有房杜姚宋。數公者。固有致太平之功。而當時百執事之人。

毗助贊益者。亦不爲不多。傳記具在。蓋可考也。夫天下大器。非一人之力可舉。而國家所以成就人才者。亦非一日之事也。從古以來。士之有立於世。必藉學校教育。父兄淵源。師友講習。三者備而後可。喻如修明堂總章。必得榱桷。豫章節目。礪礪萬牛。挽致之材。預爲儲蓄。數十年之閒。乃能備一旦之用。非若起尋丈之屋。構櫨椳。楔楹杙。藁桷。雜出於榆柳槐柏。可以朝求而暮足也。竊見南中大夫士歸河朔者。在所有之聖者之後。如衍聖孔公。耆舊如馮內翰叔獻。梁都運斗南。高戶部唐卿。王延州從之。時輩如平陽王狀元綱。東明王狀元鶚。濱人王賁。臨淄李浩。秦人張徽。楊奐。李庭訓。河中李獻卿。武安樂夔。固安李天翼。沛縣劉汝翼。齊人謝良弼。鄭人呂大鵬。山西魏璠。澤人李恆簡。李禹翼。燕人張聖俞。太原張緯。李謙。冀致君。張德輝。高鳴。孟津李蔚。真定李冶。相人胡德珪。易州敬鉉。雲中李微。中山楊果。東平李昶。西華徐世隆。濟陽張輔之。燕人曹居一。王鑄。渾源劉祁。及其弟郁。李全。平定賈庭揚。楊恕。濟南杜仁傑。洛水張仲經。虞鄉麻革。東明商挺。漁陽趙著。平陽

趙維道。汝南楊鴻。河中張肅。河朔勾龍瀛。東勝程思溫。及其從弟思忠。凡此諸人。雖其學業操行參差不齊。要之皆天民之秀。有用於世者也。百年以來。教育講習。非不至。而其所成就者。無幾。喪亂以來。三四十人而止矣。夫生之難成之。又難。乃今不死於兵。不死於寒餓。造物者挈而授之。維新之朝。其亦有意乎。無意乎。誠以閣下之力。使脫指使之辱。息奔走之役。聚養之分。處之學館。之奉。不必盡具。饘粥足以餬口。布絮足以蔽體。無甚大費。然施之諸家。固已骨而肉之矣。他日閣下求百執事之人。隨左右而取之。衣冠禮樂紀綱文章。盡在於是。將不能少助閣下。蕭曹丙魏房杜姚宋之功乎。假而不爲世用。此諸人者。可以立言。可以立節。不能泯泯默默。以與草木同腐。其所以報閣下終始生成之賜者。宜如何哉。閣下主盟吾道。且樂得賢才而教育之。一言之利。一引手之勞。宜不爲諸生惜也。

明唐順之與周中丞論項守書

數辱惠書。教督以所不及。深感知愛無量。僕自去歲移家至陽羨。與世益疎闊。此